



著作：法语录

二九 星洲法施林卅周年纪念暨玉佛开光

大千刹土，莫非圣众弘宣道场；
微尘经卷，皆是我佛等流法身。

乃有肉身菩萨慈航大师，曾於一九三七年应现此间，福缘所聚，信众护助，购建此林，开坛说法，梵音常演，香火不辍，迄已三十周年。寻慈公移锡台岛，有达观、护法二师驻足其间，修持佛法。至六零年春夏之交，林中护法林达坚等邀予出任住持，加聘松年、性仁两师助理林务，几度修葺，重壮观瞻。六八年春，集议重兴，推性仁法师主其事，发动募化庇材鸠工，至七二年落成开光，殿堂楼阁，焕然一新。为庄严宝殿，又从缅甸请来玉佛，为众瞻礼，见相种福，因缘殊胜。复为玉佛开光，启建吉祥法会，顶礼药师宝忏，云集僧伽，为众祈福。予为一介愚僧，承推重邀为

73

开光说法，敬拈粗俚之偈，聊伸赞颂之忱。偈云：
福慧庄严不可量，药师法会呈千祥；
极天上下无如佛，自有灵光照十方！
开！

74